



Bosnia and Herzegovina
Federation of Bosnia and Herzegovina

CANTON SARAJEVO
Ministry of Internal Affairs

Broj: 04-1-11-4-3145-4/26

Dana: 24.09.2026. godine

Na osnovu člana 21. stav (3) tačka c) Zakona o unutrašnjim poslovima Kantona Sarajevo ("Službene novine Kantona Sarajevo", broj 1/16, 26/19, 31/19, 39/20 i 18/26), člana 70. Zakona o javnim nabavkama („Službeni glasnik Bosne i Hercegovine”, broj 39/14, 59/22 i 50/24) i preporuke Komisije za javne nabavke Ministarstva unutrašnjih poslova Kantona Sarajevo za 2026. godinu, imenovane Rješenjem broj ~~broj~~ 05-01-30-1-559/26 od 26.01.2026. godine, u postupku javne nabavke lož ulja za potrebe Ministarstva unutrašnjih poslova Kantona Sarajevo, ministar unutrašnjih poslova Kantona Sarajevo, d o n o s i

O D L U K U

**o izboru ponuđača za nabavku lož ulja za potrebe
Ministarstva unutrašnjih poslova Kantona Sarajevo**

I

Na osnovu Odluke o pokretanju postupka nabavke broj: 04-1-11-4-3145/26 od 09.06.2026. godine i Obavještenja o nabavci broj: 1364-1-1-84-3-60/26 od 28.08.2026. godine na portalu Agencije za javne nabavke objavljen je postupak nabavke lož ulja za potrebe Ministarstva unutrašnjih poslova Kantona Sarajevo, putem otvorenog postupka.

Za predmetni postupak predviđeno je zaključivanje okvirnog sporazuma na dvije godine sa jednim ponuđačem.

II

Prihvata se preporuka Komisije za javne nabavke Ministarstva unutrašnjih poslova Kantona Sarajevo te se shodno Zakonu o javnim nabavkama, primjenjujući kriterij "najniža cijena", u predmetnom postupku javne nabavke okvirni sporazum na period od dvije godine dodjeljuje ponuđaču Hifa d.o.o. Tešanj u iznosu od 89.000,00 KM bez PDV-a.

III

Po okončanju roka za žalbu, ugovorni organ će pozvati izabranog ponuđača radi zaključivanja ugovora o javnoj nabavci, kojim će se regulisati međusobna prava i obaveze.

IV

Ova odluka stupa na snagu danom donošenja.

O b r a z l o ž e n j e

Na osnovu Odluke o pokretanju postupka nabavke broj 01-11-4-3145/26 od 09.06.2026. godine i Obavještenja o nabavci broj 1364-1-1-84-3-60/26 od 28.08.2026. godine na portalu Agencije za javne nabavke objavljen je postupak nabavke lož ulja za potrebe Ministarstva unutrašnjih poslova Kantona Sarajevo, putem otvorenog postupka.

Za predmetni postupak predviđeno je zaključivanje okvirnog sporazuma na dvije godine sa jednim ponuđačem.



Adresa: Sarajevo, La Benevolencije 16

Tel: + 387 (0)33 286-701, 286-702,

Fax: + 387 (0)33 226-445

Web: <http://mup.ks.gov.ba>, Email: ministar@mup.ks.gov.ba

U skladu sa gore navedenim Obavještenjem o nabavci, Komisija za javne nabavke Ministarstva je izvršila javno otvaranje prispijelih ponuda, dana 18.09.2026. godine, sa početkom u 15:00 sati, u prostorijama Sjedišta Ministarstva unutrašnjih poslova Kantona Sarajevo.

Otvaranju ponuda, nije prisustvovao niti jedan predstavnik ponuđača. Zapisnik sa otvaranja ponuda dostavljen je ponuđačima putem pošte.

Tendersku dokumentaciju preuzelo je 13 ponuđača. U postupku nabavke postavljeno je šest pitanja na koja je odgovoreno u zakonskom roku.

Pristigle su dvije ponude dostavljene od strane ponuđača:

- Almy d.o.o Zenica i
- Hifa d.o.o Tešanj

Prispjele ponude imaju sljedeću vrijednost:

- Almy d.o.o Zenica u iznosu od 128.700,00 KM bez PDV-a i
- Hifa d.o.o Tešanj u iznosu od 89.000,00 KM bez PDV-a.

Komisija je izvršila provjeru kvalifikacije ponuđača u skladu sa minimalnim zahtjevanim kvalifikacionim uslovima koje ponuđač treba da ispunjava, a koji su traženi u tenderskoj dokumentaciji.

Nakon što je izvršena kontrola dostavljene dokumentacije, način uvezivanja ponude, primjena propisane forme dostavljenih dokumenata, validnost ponude, njen potpis i ovjera, računska kontrola te izvršen pregled i provjera drugih dokumenata, konstatovano je da su obje prispjele ponude formalno-pravno ispravne i da su se stekli uslovi za zakazivanje E-aukcije.

E-aukcija je zakazana za dan 23.09.2026. godine u 10:00 sati.

Nakon što je okončan postupak e-aukcije, Komisija je konstatovala da u postupku e-aukcije nije bilo podnošenja ponuda i da rang konačna lista ponuđača izgleda ovako:

PONUĐAČ	Iznos Ponude bez PDV-a (KM)	Rang
Hifa d.o.o Tešanj	89.000,00	1.
Almy d.o.o Zenica	128.700,00	2.

Shodno utvrđenom činjeničnom stanju i kriteriju za dodjelu ugovora „najniža cijena“, a u skladu sa članom 70. Zakona o javnim nabavkama, Komisija je jednoglasno dala preporuku ministru unutrašnjih poslova Kantona Sarajevo da u postupku nabavke lož ulja za potrebe Ministarstva unutrašnjih poslova Kantona Sarajevo, donese odluku o dodjeli okvirnog sporazuma na period od dvije godine ponuđaču Hifa d.o.o Tešanj, u iznosu od 89.000,00 KM bez PDV-a.

Cijeneći naprijed navedeno riješeno je kao u dispozitivu.

POUKA O PRAVNOM LIJEKU:

Protiv ove odluke dopuštena je žalba koja se podnosi Ugovornom organu u roku od deset dana od dana prijema Odluke o izboru, a u skladu sa članom 99. i 101. Zakona o javnim nabavkama.

Dostaviti:

1. Ponuđačima x2
2. Upravi podrške,
3. Komisiji,
4. Kabinetu ministra - stručni savjetnik za odnose s javnošću i
5. a/a.



Adresa: Sarajevo, La Benevolencije 16

Tel: + 387 (0)33 286-701, 286-702,

Fax: + 387 (0)33 226-445

Web: <http://mup.ks.gov.ba>, Email: ministar@mup.ks.gov.ba